

**Naalagaaffiit Peqatigiit meeqqat pillugit isumaqatigiissutaata ilanngunneqarnissaa
pillugu kingusinnerpaamik 2016-im i ukiakkut ataatsimiinnermi Inatsisartut
inatsisaattut siunnersuuteqaqqullugit Naalakkersuisut peqquneqarnissaannik
Inatsisartut aalajangiiffigisassaattut siunnersuut.**

(Inatsisartunut ilaasortamit, Aaja Chemnitz Larsenimit, Inuit Ataqatigiit UPA 2015-im, saqqummiunneqartoq. UKA 2015-im i Inatsisartuni Inuit Ataqatigiit ilaasortaannit tiguneqartoq)

pillugu

Ilaqutariinnermut Peqqissutsimullu Ataatsimiitaliap isumaliutissiissutaa

Siunnersuutip aappassaaneerneqarnissaanut saqqummiunneqartoq

Ataatsimiitaliaq kingullermik suliarinninnermini ukuninnga inuttaqarpoq:

Inatsisartunut ilaasortaq Tillie Martinussen, Demokraterne, siulittaasoq
 Inatsisartunut ilaasortaq Agathe Fontain, Inuit Ataqatigiit, siulittaasup tullia
 Inatsisartunut ilaasortaq Jess Svane, Siumut,
 Inatsisartunut ilaasortaq Laura Tåunâjik, Siumut
 Inatsisartunut ilaasortaq Ineqi Kielsen, Siumut
 Inatsisartunut ilaasortaq Ane Hansen, Inuit Ataqatigiit
 Inatsisartunut ilaasortaq Mimi Karlsen, Inuit Ataqatigiit

UPA 2015-im ulloq 23. april 2015-im siullermeerinerup kingorna siunnersuut ataatsimiitaliamit sukumiisumik misissorneqarpoq.

Siunnersuutip imarisaa siunertaalu

Meeqqat Pisinnaatitaaffii pillugit Naalagaaffiit Peqatigiit isumaqatigiissutaata ilanngunneqarnissaa pillugu inatsisissatut siunnersuummik kingusinnerpaamik 2016-im i ukiakkut ataatsimiinnermi Naalakkersuisut saqqummiussinissaat taperseqqulugu siunnersuuteqartup aalajangiiffigisassatut siunnersuuteqarnermigut kissaatigaa. Nunat isumaqatigiisummut ilanngussimasut isumaqatigiissut imikkut inatsisinngorlugu ilanngutissagaat Naalagaaffiit Peqatigiit Meeqqat Pisinnaatitaaffii pillugit Ataatsimiitaliaata innersuussutigaa siunnersuuteqartup erseqqissaatigaa. Nunatsinni meeqqat inuusutullu pisinnaatitaaffiisa atugaasalu sammineqarnerisa nukitorsarneqarnissaasa saniatigut, isumaqatigiissut pillugu immikkut inatsit meeqqat pisinnaatitaaffii pillugit sutigut tamatigut malittarisassani taakkunani pingarnerujuarnissaat siunnersuuteqartup oqaatigaa.

Siunnersutip Inatsisartuni siullermeerneqarnera

Meeqqap Pisinnatitaaffii pillugit isumaqtigiissummi isumaginninnermut tunngasut kisimik ilaanngitsut Naalakkersuisut oqaatigaat. Meeqqap inuuneranut pingaarutilit allat aamma isumaqtigiissummi ilaapput, soorlu atuarfik, peqqinnissaq, kulturi il.il. meeqqanut inuusuttunullu inatsimmi isumaqtigiissut naapertorlugu pisussaaffit innersuussutigineqarpoq.

Isumaqtigiissutip annertunerusumik ilaatinneqalernissaata pingaaruteqassusaa sukumiisumik misissorneqarnissaa piffissanngortoq Naalakkersuisunit taperserneqarpoq, taamaattumik siunnersummum allannguutissatut siunnersummik siullermeerinissamut una Naalakkersuisut saqqummiuppaat:

"Naalakkersuisut pisussaaffilerneqassasut nalilersuiffigissagaat Naalagaaffit Peqatigiit Meeqqat Pisinnatitaaffii pillugit Aalajangersagai eqqarsaatigalugit oqartussaassuseqarfinit assigiinngitsunit qanoq naapertuutsigisumik imaqarnersut misissuiffigissallugit. Nalilersuineq taanna Inatsisartut 2017-imni upernaakkut ataatsimiinnissaanut kingusinnerpaamik nalunaarusianngorlugu saqqummiussiffigineqassaaq."

Meeqqanut inuusuttunullu atugassarititaasut pitsaasumik ineriatortinneqartuartariaqartut Siumup oqaatigaa. Meeqqanik sumiginnaasarneq Siumup akuerisinnaanngilaa. Inatsimmik nutaamik imaluunniit nutarsakkamik meeqqanik inuusuttunilu illersuisussamik pisariaqartitsineq naapertorlugu Siumut suliaqarumavoq. Pissutsit misissoqqissaarneqarnissaannik Naalakkersuisut assigalugit Siumut ingerlatserusuppoq taamaattumillu Naalakkersuisut allannguutissatut siunnersuutaat tapersorsorlugu.

Meeqqat inuusuttullu pisinnatitaaffiisa qulakkeerneqarnissaat qulakkeerumallugu meeqqat pisinnatitaaffii pillugit suleriusissamik suliaqartoqarnissaa pisariaqartoq Inuit Ataqatigiit erseqqissaatigaa. Piaartumik iliuuseqartoqarnissaanik pisariaqartitsisoqartoq Inuit Ataqatigiit isumaqarput. Inatsosit avissaartinneqarnissaat pillugu kaammattuutit naalakkersuinikkut malittarineqartariaqartut Inuit Ataqatigiit isumaqarput. Misissueqqissaarnerit sivitsorsaataasumik kinguarsaataasariaqanngitsut Inuit Ataqatigiit isumaqarput, taamaattumik siunnersuut ilusimisut iluseqartillugu partiimit tapersorsorneqarluni.

Naalakkersuisut allannguutissatut siunnersutigisaannut Demokraatit taperseruinissaminut qaninnerupput. Matumani aalajangiiffisassatut siunnersuut akuerineqassagaluarpat annertuumik oqimaatsumillu inatsisiliornissaq kingunerissammagu. Meeqqat ataasiakkaat pisinnatitaaffiisa qanoq nukitorsarneqarsinnaaneri aamma Meeqqat pillugit Isumaqtigiissutip meeqqallu pisinnatitaaffii atuutilersitsineq, atortuulersitsineq sulinermilu

eqortinneqarnissaat qulakkeerniarlugit aningaasat, nukiit piginnaanerillu atorneqarpata naapertuunnerussasoq Demokraatinut qitiusumik pingarnerpaavoq.

Naak siunnersuut saqqummiunneqartoq partiimit isumaqatigineqaraluartoq Naalakkersuisut allannguutissatut siunnersuutaat Atassutip tapersorsorpaa. Siunnersuutaaqqaartoq sukumiinerusumik ataatsimiitaliamit erseqqissarneneqarnissaa pingaaruteqartoq Partii Naleraq isumaqarpoq.

Tamanna tunngavigalugu siunnersuut Ilaqtariinnermut Peqqissutsimullu Ataatsimiitaliami suliarineqartussanngorlugu innersunneqarpoq.

Ataatsimiitaliap siunnersuummik suliarinninna

Meeqqap Pisinnaatitaaffii pillugit Naalagaaffit Peqatigiit isumaqatigiissutaat (Meeqqat pillugit Isumaqtigiiissut) ulloq 11. maj 1993-imi nangaassutitaqanngitsumik nunatsinni atuutilersinneqarsimasoq ataatsimiitaliamit maluginiarneqarpoq. Taamaalilluni isumaqatigiissut nunatsinni ukiuni 22-ini atuutereersimavoq.

Meeqqat pillugit Isumaqtigiiissut meeqqanut inuuuttunullu 18-t inorlugit ukiulinnut tamanut atuuppoq.

Meeqqap illersorneqarnissaa Isumaqtigiiissummi aallaaviuvoq assersuutigalugulu qulakkeerneqassallutik:

- Meeqqat tunngaviusumik pisinnaatitaaffii – assersuutigalugu nerisatigut, peqqissutsikkut najugaqarnikkullu.
- Meeqqat ineriertornissaminntu pisinnaatitaaffii – assersuutigalugu atuartussaanerat, sunngiffeqarnissaat pinnguartarnissaat paasissutissinneqartarnissaallu.
- Meeqqat illersorneqarnissaminntu pisinnaatitaaffii – assersuutigalugu sorsunnernut, persuttaanernut, atornerluinernut atornerlunneqarsinnaanernullu.
- Meeqqat assigiinngisitsinernut suugaluanulluunniit imaluunniit angajoqqaat pissutigalugit pillarneqarnissamut, isumagineqarnissamut imaluunniit ilaquaasup atorfimmini inisisimaneranut, sulerinissaannut, qanoq oqarsinnaanerannut illersorneqarnissaminntu pisinnaatitaaffeqarput.
- Meeqqat aalajangeeqataanissaminntu pisinnaatitaaffii – assersuutigalugu sunniuteqarnissamut, peqataanissamut killiligaanngitsumillu oqarsinnaanerannut.

► Meeqqat killiligaanngitsumik eqqarsarsinnaatitaanerminnut pisinnaatitaaffeqarput, nalunnggeqatiginnissuteqarnissaminnut upperisaqarnikkullu kiffaanngissuseqarnissaminnut.

Taasa meeqqat pillugit Isumaqtigiisummi ilaasut pisinnaatitaaffit ilaasa qulequtaasa ilaat. Meeqqat pillugit Isumaqtigiissut assigiinngitsorpassuarnik meeqqanut tunngasunik imaqarmat oqaatigineqassaaq. Matumani assersuutigalugu isumaginninnermut tunngasuni, atuartussaatitaaneq, killiligaanngitsumik oqarsinnaatitaanermut upperisaqarnikkullu kiffaanngissuseqarnermut.

Imminut aperisariaqarpoq, meeqqat pisinnaatitaaffii inatsimmut ataatsimut assigiinngitsorpassuit ilanngunneqarnissaat naapertuunnersoq imaluunniit immikkut inatsimmi Meeqqat pillugit Isumaqtigiissut iluarsineqarnissaa innersuussinissarlunniit naapertuunnerunersoq, taamaallilluni assersuutigalugu meeqqanut inuusuttunullu ikorsiisarneq pillugu isumaginninnermut tunngasut iluini pisinnaaniassammat.

Ilanngussinerit qanorluunniit ittut toqqarneqaraluarpata akuersinermut allannguinermut imaluunniit inatsimmik atorunnaarsitsinermut atatillugu kingunerisassat nassuaatigineqarnissaat avaqqunneqarsinnaanngilaq. Matumani ilaatigut aningaasaqarnikkut allaffissornikkullu kingunerisassat innuttaasunulli kingunerisassat aamma pineqarlutik.

Tamatumannga atatillugu Meeqqat pillugit Isumaqtigiissut akuerineqarneraniit ukiut 22-t qaangiutillartullu Meeqqat pillugit Isumaqtigiissutip, isumaqtigiisummut attuumassuteqartut, assigiinngitsut ilanngunneqarnissaa qanoq kinguneqassanersoq misissueqqissaarnermik Naalakkersuisut ingerlatsiniarneri ataatsimiititaliamit equmiigineqarpoq.

Meeqqat pillugit Isumaqtigiissut tamakkiisumik ilaaluunniit nunatsinnut qanoq atortinneqassanersoq ukiut 22-t sinnerlugit matuma siorna naliliivigineqarmat misissueqqissaarneq taamanili ingerlanneqarsimasariaqaraluarpoq saqqummiunneqarlunilu.

Siunnersut pillugu Inatsisinut Ataatsimiititaliamut UPA 2015-imí tusarniaanissamut ataatsimiititaliaq qinnuteqarpoq, siunnersut pillugu tunngaviusumik Naalakkersuisullu allannguutissatut siunnersuutaannut Inatsisinut Ataatsimiititaliaq eqarsaatersuuteqqarsinnaammatt.

Naalagaaffiit Peqatigiit Meeqqat pillugit Isumaqtigiissutaata immikkut meeqqat pisinnaatitaaffiisa inatsisaanut ilanngunneqarnissaa pillugu kaammattuinermi suna tunngaviunersoq pillugu itinerusumik paassisutissanik ilassutigalugu pissarsiniartoqassasoq

ataatsimiitaliaq aalajangerpoq. Tamatumunnga atatillugu ataatsimiitaliaq Meeqqat pillugit isumaqatigiissutip nunatsinni ulluinnarni qanoq atuutsinneqarnersoq sukumiinerusunik paasisaqarusuppoq.

Taamaattumik ulloq 12. maj 2015-imi eqqartuussisuserisoq Thomas Trier Hansen (TTH) siusinnerusukkut nunatsinni eqqartuussisutut sulinermini assigiinngitsorpassuartigut nunat tamalaat isumaqatigiissutaasa nunatsinnut pingaaruteqarnerinik atuutsinneqarnerinnilu suliaqartarsimasoq skype-ikkut ataatsimeeqatigineqarpoq. Inuit Pisinnaatitaaffiinut Kalaallit Nunaata Siunnersuisoqatigiivi sinnerlugit TTH-mit suliarineqarsimasoq meeqqap pisinnaatitaaffiinut nunat tamalaat isumaqatigissutaasa pingaaruteqarnerat pillugu 2014-pukiaanerani misissuataarineq matumunnga ilanngullugu innersuussutigineqassaaq.

TTH-p erseqqissaatigaa Meeqqat pillugit Isumaqatigiissut tamarmiusoq nunatsinnut atuuttoq, naak Inatsisartut inatsisaannut immikkut ilanngutinnejarsimangikkaluartoq assersuutigalugu ima ateqarluni meeqqap pisinnaatitaaffii pillugit Inatsisartut inatsisaat.

Meeqqat pisinnaatitaaffii pillugit inatsimmik immikkut Meeqqat pillugit Isumaqatigiissummi tamakkiisumik allassimasoqassasoq Meeqqat pillugit Naalagaaffiit Peqatigiit ataatsimiitaliaata kaammattutigigaa TTH-p oqaatigaa. Matumani qulakkeerumallugu isumaqatigiissummi pisinnaatitaaffiit tamarmik eqqartuussisutigoortumik namminerisamik inatsiseqalernissaa qulakkeerumallugu.

Meeqqat pisinnaatitaaffii pillugit inatsisartut immikkut inatsisaannik akuersisoqassagaluarpat kingunerisassaanut tunngatillugu Inatsisartut inatsisissaviatut inatsit kingunerissagaa taamalu Meeqqat pillugit Isumaqatigiissutip eqqartuusiveqarfinni, Naalakkersuisunit, kommuninit, atuarfinnit, tusagassiutini innuttaasuniillu matumani ilanngullugu meeqqanit ilisimaneqarneruleraneranik atorneqalerneranillu kinguneqassasoq TTH-p oqaatigaa.

Meeqqat pisinnaatitaaffii pillugit immikkut Inatsisartut inatsisaannik peqaraluarpal pisinnaatitaaffinnut taakkununnga eqqartuussiviit uterfigisinnaasaminnik toqqaannarnerujussuarmillu isummersorsinnaalissagaluarput.

Taamatuttaaq Ombudsmandip meeqqat pisinnaatitaaffii pillugit inatsit taamaattoq eqqumaffignerulissagaluarpa. Atuarfiit meeqqat pisinnaatitaaffii pillugit inatsisivimmik suliaqarnissaat ilusimigut isikkumigullu qanilliuminaassinnaaneranit paasiuminaassinnaaneraninngarnillu soqtiginarnerujussuussagaluarpoq.

Isumaqatigiissumminngarnit meeqqat pisinnaatitaaffii pillugit inatsit KNR-imit aamma tusagassiorfiillu allat toqqaannartumik isummerfiguminarnerutissagaluarpaat.

Meeqqat pisinnaatitaaffii pillugit Isumaqtigiisumminngarnit Meeqqat Pisinnaatitaaffii pillugit Inatsisip imarisaanik kommunini sulisut sulinerminni ilisimasaqarnissaminnut pinngitsaolineqartariaqalissapput. Inatsisartut inatsisaannut immikkut taakku ilanngunneqaraluarpat kommunini meeqqat pisinnaatitaaffiinut illersugaanerinullu tunngasunut ataasiakkaanut sullissisut ulluinnarni sulinerminni isummersorfigisalertussaassavaat. Naalakkersuisut pisariaqartitatut annertutigisumik nalunaarummik minnerunngitsumillu inatsit pillugu ilitsersuummik suliaqartariaqarput, taamaalilluni kommunini sullissisut ilitsersuummik taamaattumik pisariaqartitsinerminni ujarlerfissaqarsinnaaniassammata. Naalagaaffiit Peqatigiit Isumaqtigiissutaat naapertorlugu Meeqqat Pisinnaatitaaffii pillugit ilitsersuummik peqanngilaq aamma suliaqartoqarnavianngilaq.

Meeqqat Pisinnaatitaaffii pillugit Isumaqtigiisumminngarnit Meeqqat Pisinnaatitaaffii pillugit Inatsit ingerlaavartumik isummersorfigineqarnissaata attuumassuteqarnissaatalu allatorujussuaq Naalakkersuisunit Naalakkersuisoqarfinnillu allanit aamma eqcumaffigineqalissagaluarpoq.

Aammattaaq Meeqqat Pisinnaatitaaffii pillugit Inatsisiviup akuerinissaa pingaaruteqanngitsutut isigineqassanngitsoq TTH-p pingartillugu oqaatigaa. Meeqqat pillugit Isumaqtigiisummi inatsisinut assigiinngitsunut innersuussinerminngarnit tamanna meeqqat inissisimanerat nukittunipilussuussariaqarpoq.

Ilanngunneqarneqarneq Meeqqap Pisinnaatitaaffii pillugit Isumaqtigiissutip nunatsinni meeqqat atugaannut ataatsimut isigalugu nukittorsaataassasoq TTH naliliivoq. Tassunga ilanngullugu meeqqat pisinnaatitaaffisa atugaasalu annertuumik pingartinneqarnissaat pillugu ilanngunneqarneq sakkortuumik oqariartuuteqarsinnaammata.

Europamiut Inuit Pisinnaatitaaffiinut inatsisinngorlugu ilanngunneqarsimammat ataatsimiititaliamit ilassutitut erseqqissaatigineqassaaq.

Nunat Finland, Frankrig, Island, Holland, Norge aamma Tyskland Meeqqat pillugit isumaqtigiissutaat inatsisitut atulereersimagaat ataatsimiititaliap ilanngullugu oqaatigissavaa. Tamanna meeqqat pisinnaatitaaffii pillugit Naalagaaffiit Peqatigiit Ataatsimiititaliaata kaammattuutaa pivoq.

Tamatuttaaq nunatsinni meeqqat pillugit isumaqtigiissutip inatsisitigut ilanngunneqarnissaa aalajangiunneqassagaluarpat taava tamanna ima kinguneqassasoq ilassutitut ataatsimiititaliamit tikkuarneqarpoq:

- Kommunini Namminersorlutilu Oqartussani aqutsisoqarfiit ulluinnarni sulinermanni meeqqat pisinnaatitaaffii annertunerusumik sammineqarnerulissagaluarput. Meeqqanut inuusuttunullu sumiginnarneqarnerpaanut ilaatigut iluaqtaassaaq, matumani ilanngullugit meeqqanut nakuuserfigineqarsimasunut, atornerlunneqarsimasunut paarinerlunneqarsimasunullu allatigullu sumiginnarneqarsimasunut.

- Meeqqat ajornannginnerusumik naammagittaalliorsinnaalernerat. Ullumikkut assersuutigalugu meeqqat atuartut ilinniartitsisut pissusilersuutaat, atuartitaanerup pitsaassusaanut imaluunniit atuarfimmi timikkut tarnikkullu atuarnerup nalaani atugassaritaasut pillugit naammagittaalliorniartarnerat ajornakusoortarpoq. Pimmatiginninneq imaluunniit atuartunut naapertuilluanngitsuliortoqartillugu atuarfik akulerussimanngippat naammagittaalliorsinnaatitaasoqanngilaq. Meeqqat pillugit Isumaqtigiissut nunatsinni inatsisinngortinnejqaraluarpat pisinnaatitaaffitik qaangerneqartillugit atuartut Ombudsmaniliarsinnaalissagaluarput eqqartuussivilarlutillu.

- Meeqqat pisinnaatitaaffiisa ilisimaneqarnerat nunatsinni innuttaasut akornanni qaffariassagaluarpoq -Meeqqat pillugit Isumaqtigiissut nunatsinni inatsisinut ilanngunnejqaraluarpat aamma meeqqat akornanni.

Siunersiuineq

Ulloq 22. maj 2015-imi Ilaqtariinnermut, Naligiissitaanermut Isumaginninnermullu Naalakkersuisumik ataatsimiitaliaq siunersiuivoq.

Naalakkersuisut nalunaarusiamik UPA 2017-imik Inatsisartunut aatsaat saqqummiussinissaanut naatsorsuutigineqartutut tunngavagineqartup sukumiinerusumik paasisaqarfingineqarnissaa siunersiuinermi siunertarineqarpoq. Nalunaarusiaq Naalagaaffit Peqatigiit Meeqqat pillugit Isumaqtigiissutaa sorpassuartigut attuumassuteqartup ilanngutsinneqarnissaa pingaarutilimmik misissueqqissaartussaq.

Allannguutissatut siunnersuutigineqartup akerlianik Naalagaaffit Peqatigiit Meeqqat pillugit Isumaqtigiissutaata Inatsisartut inatsisaannut ilanngutsinneqarnissaanut kingusinnerpaamik UKA16-imi Naalakkersuisut siunnersummik saqqummiussaqarnissaat siunnersuuteqartup kissaatigaa.

Misissueqqissaarnernik suliaqarneq tamatumalu kingorna Naalagaaffit Peqatigiit Meeqqat pillugit Isumaqtigiissutaata ilanngutivinneqarnissaanut ataatsimut kingunerisassat pillugit nalunaarusiorissaq piffissamik atuiffiusartoq Ilaqtariinnermut, Naligiissitaanermut Isumaginninnermullu Naalakkersuisoq ilisimatitsivoq. Meeqqat pillugit Isumaqtigissut Naalakkersuisoqarfinnut arlalinnut Namminersorlutilu Oqartussani immikkoortortaqarfinnut attuumassuteqarpoq, taamalu annertuumik ataqtigissaarinerme soorluttaaq inatsisitigut

immikkoortut arlallit sulisullu immikkut ilisimasallit ilanngullutik peqataatinneqartarlutik. Misilitakkat tamarmik takutippaat qulaajaanerit taamaattut pisarialimmik peqqissaarussinerup saniatigut piffissamik nukissanillu atuiffiusartut.

Aammattaaq nutserinermut, tusarniaanernut pitsaassutilu qulakkeerneqarnissaanut piffissamik nukissanillu atuiffiusussaasoq Naalakkersuisup oqaatigaa. Tassunga ilanngullugu Ilaqtariinnermut, Naligiissitaanermut Isumaginninnermullu Naalakkersuisoqarfik oqimaatsunik salliuinneqartariaqartunillu suliassaqareeropoq. Matumani assersuutigalugu Matumani assersuutigalugu utoqqalinersiallit pillugit iluarsartuussineq, siusinaartumik pensionisiallit pillugit inatsisissaq nutaaq aamma ineqarnermut tapiissutit pillugit siunnersuutissaq taakkununngalu ilanngullugit nalunaarutit ilitsersuutillu. Assersuutigalugu UPA 2016-imut misissueqqissaarneq naammassineqassappat suliat pingarnerit allat kivinneqarsinnaassanngillat.

Naalakkersuisumit malitseqartitsilluni saaffiginnissut

Ilaqtariinnermut, Naligiissitaanermut Isumaginninnermullu Naalakkersuisup nammineerluni aammalu isumaqtigiissutip ilanngunneqarnissaata sukumiinerusumik misissorneqarnissaanik pissuteqartumik 25. september 2015-imni Ilaqtariinnermut Peqqissutsimullu Ataatsimiititaliamut allakkanik nassiussaqarpoq. Allakkat **ilanngussatut 1-itut** ilanngunneqarput.

Naalagaaffit Peqatigiit Meeqqat pillugit Isumaqtigiissutaat toqqaannartumik atortuulersinneqarnissaa naapertuutinngitsoq Naalakkersuisut isumaqtut allakkiami inerniliussami takuneqarsinnaavoq. Siullertut oqaatigineqassaaq Meeqqat pillugit Isumaqtigiissummi immikkoortut tamakkerlutik nunatsinnit oqartussaaffigineqalersimanngimmata, taamaalliluni pineqartumi nunatsinnit oqartussaaffigineqanngitsumi Namminersorlutik Oqartussat nammineerlutik inatsisinik suliaqarsinnaanatik. Aappaatut allassimavoq isumaqtigiissutip toqqaannartumik inatsisissatut atuutilersinneqarata kingunerissagaa suliassat inatsit naapertorlugu suliassanngortinneqartut eqqartuussivinni suliarineqartalissasut Naalakkersuisunit suliarineqaratik, tamatumalu kingunerisaanik aalajangiisinnaatitaanermut piginnaatitaaffik Kalaallit Nunaanni oqartussaasunit danskit oqartussaasuinut tunniunneqassalluni.

Inatsisinut Ataatsimiititaliamit tusarniaanermi akissuteqaat

Inatsisinut Ataatsimiititaliamit tusarniaanermi akissuteqaat ulloq 5. oktober 2015-imni ataatsimiititaliamit tiguneqarpoq. Inatsisinut Ataatsimiititaliap tusarniaanermut akissuteqaataa isumaliutissiissummut matumunnga **ilanngussaq 2-tut** ilanngunneqarpoq.

Ilanngussaq 1-p imarisaa pillugu Inatsisinut Ataatsimiititaliaq ilisimatinneqarpoq, taamatullu tunngaveqartumik Naalakkersuisut allakkiaata imarisaanut isummerluni.

Europami Inuit Pisinnatitaaffii pillugit isumaqatigiissutaanni danskit inatsisaattut ilanngunneqarsimasoq aammalu kunngip peqqussutaatigut Kalaallit Nunaannut atuutilersinneqarsimasoq Inatsisinut Ataatsimiititaliap tusaatissatut tigummigaa tusarniaanermi akissuteqaat Inatsisinut Ataatsimiititaliap innersuussutiga.

Pineqartup Namminersorlutik Oqartussanit oqartussaaffigineqaleriartornera ilutigalugu Meeqqat pillugit Isumaqatigiissutip atuutilersinneqarnissaa apeqqutaasoq, imaluunniit atuutilersitsinissamut inatsimmi aalajangersakkat aallarniutigalugit aalajangersaaneq erseqqissaanissarluunniit, Inatsisartut inatsisaat Kalaallit Nunaanni Namminersorlutik Oqartussat inatsisiornikkut pisinnatitaaffiinut taamaallaat atuuttuusoq Inatsisinut Ataatsimiititaliap oqaatigaa.

Sukkulluunniit meeqqap pisinnatitaaffiinik innarliineq Tunngaviusumik inatsimmi § 63 naapertorlugu eqqartuussivimmur tunniussinermik kinguneqarsinnaammatt Inatsisinut Ataatsimiititaliap aamma oqaatigaa, soorluttaaq Meeqqat pillugit Isumaqatigiissut Naalakkersuisunut naammagittaalliuteqarnermut atatillugu isummerfigineqarsinnaanera Inatsisinut Ataatsimiititaliamit isumaqarfigineqartoq.

Siunnersuutip aningaasaqarnikkut kingunerisassai

Ataatsimiititaliap maluginiarpa siunnersuummi allassimasoqartoq siunnersuut timitalerneqassappat siunnersuutivimmik suliaqartoqassasoq piumasaqaataasoq. Suliaq matuma nutserineq, tusarniaaneq ilanngullugit allallu suliarinerani allaffimmup AC-p akissarsiarisartagai qaangerneqarnavianngitsut ataatsimiititaliap naatsorsuutigaa. Qanoq annertutigisumik allaffissornikkut kinguneqassanersoq nalilissallugu ataatsimiititaliaq tunngavissaqanngilaq.

Ataatsimiititaliap ataatsimut oqaaseqaatai

Naalagaaffit Peqatigiit Meeqqat pillugit Isumaqatigiissutaat nunatsinnut atuutereersoq ataatsimiititaliap erseqqissaatigaat. Meeqqat inuusuttullu pillugit inatsimmi atuuttumi Isumaqatigiissummut innersuussisoqarpoq. Meeqqat Pisinnatitaaffii pillugit Naalagaaffit Peqatigiit isumaqatigiissutaata atuutsinneqarnissaanut Naalakkersuisut pisussaaffeqartut toqqaannartumi oqaatigineqarpoq.

Meeqqat pillugit Isumaqatigiissutip nunatsinnut Atuuttuunera aamma meeqqanut inuusuttunullu ikorsiisarneq pillugu inatsiseqarnera sumiginnaanernut unammilligassanik annertuunik soqannngitsutut isumaqanngilaq.

Taamaattoq meeqqanik sumiginnaasarneq akuerineqarsinnaanngilluinnartoq ataatsimiititaliaq ersarissumik naqissuserpaat.

Qitiusumik siunnersuisarfimmik angalasartoqatigiit kommunini ingerlatsivinnut sullissinerni, siunnersuinernik, ilitsersuinernillu kommunit ataanni inisisimasuni meeqqanik inuusuttunillu sullissinermi sullisisussat ilanngullugit ajornartorsiutinik qulaajaasartussat pilersinneqarnissaat aalajangerneqarmat ataatsimiititaliap ilanngullugu erseqqissaatigissavaat.

Meeqqanik inuusuttunillu sumiginnaanerup annikillisarneqarnissaa siunertaralugu iliuuseqarnissamut aaqqiissuteqarnissamullu suliniutit aalajangersimasut taamaattut iluaquataalluarsinnaapput. Suliamut matumunnga atatillugu suliniuteqarnerup sumiginnaasarnerup pinaveersaartinneqarnissaanut kommunit Naalakkersuisullu pisussaaffiarnavianngilai. Soorluttaaq oqartussat innuttaasullu tamarmik meeqqanik inuusuttunillu sumiginnagaasimasunik malugisaqarunik pasitsaassaqarunilluunniit qisuarriarnissamut malinnaanissamullu pisussaaffeqarput. Kommunit Namminersorlutilu Oqartussat meeqqanik inuusuttunillu sumiginnaasarnermik nalunaaruteqarnerit iliuuseqarfigisussaavaat.

Kommunini meeqqanut inuusuttunullu tunngasuni annertuumik ajornartorsiuteqartoqarnera uppernarsaatissaqarluarpoq. Kalaallit meerartaasa inuusuttortaasalu ilaqtariillu ilaat annertuumik ajornartorsiuteqartut pillugit ilisimasaqarluarpugut, aammalu kommunini sullisisut sulinerminni atugaat naammaginanngilluinnartuusut ilisimasaqarfigaavut.

Soorlu ataatsimiititaliap siunnersummik suliaqarnerani qulaajarneqartoq, Meeqqat pillugit Isumaqtigiiissut pillugu immikkut inatsit meeqqat pisinnaatitaaffiinut toqqaannartumik annertuumik nukittorsaataasussaavoq. Isumaliutissiissummi matumani saqqummiunneqartut assersuutissarpassuit ersarilluinnartut innersuussutigineqarput. Nunatsinni meeqqat inuusuttullu atugaat ataatsimut isigalugu akuerineqarsinnaanngimmata iliuuseqartoqartariaqarpoq. Meeqqat pillugit Isumaqtigiiissutip Inatsisartut inatsisaannut ilanngunneqarnissa Kalaallit Nunaanni meeqqat inuusuttullu pisinnaatitaaffiisa qulakkeerneqarnissaannut periusissiatut piumasarineqartumut tunngaviulluinnartariaqarpoq.

Meeqqat pillugit Isumaqtigiiissut ilanngullugu pineqartut tamarmik suli nunatsinnit oqartussaaffigineqalersimannginneri ataqqillugu, Naalagaaffiit Peqatigiit Meeqqat pillugit Isumaqtigiiissutaat nunatta oqartussaaffigilersimasaatut Inatsisartut inatsisaannut ilanngunneqarnissaata suliarineqarnissa teknikkikkut periarfissaqartoq ataatsimiititaliap inerniliussatut isumaqarfigaa. Selineq pisarialimmik peqqissaarullugu ingerlanneqartariaqarmat ataatsimiititaliap akuersaarpaa, taamaattumik kingusinnerpaamik 2016-imi ukiakkut ataatsimiinnermi ingerlanneqarnissa illorsorneqarsinnaanngitsutut isumaqarfigineqarluni. Taamaattoq pineqartoq Naalakkersuisut pingaartissagaat aammalu kingusinnerpaamik 2017-imi ajornanngippalli 2016-imi Inatsisartut inatsisissaattut

kissaatigineqartumik siunnersummik saqqummiussisoqarnissaa
 ataatsimiititaliap innersuussutigissavaa.

Inatsisinut Ataatsimiititaliap oqaaseqaatai ataatsimiititaliamittaqaq maluginiarneqarput taamaalilluni Meeqqat pillugit Isumaqtigiissutaa Inatsisartut inatsisaannut ilanngunneqarneratigut Meeqqat pillugit Isumaqtigiisummut Naalakkersuisunut naammagittaalliuuteqarnermut atatillugu patsisiginiarneqarsinnaanera allanngortitsinaviarani.

Ataatsimiititaliamit allannguutissatut siunnersuut

Siunnersuut pillugu ataatsimiititaliap eqqarsaatersuutai aalajangiinerilu pisariaqartinneqartumik ersarissumik allanneqarsimammata, siunnersuutaqqaartumut makkuninnga allannguutissatut siunnersummik ataatsimiititaliaq isumaqtigiittoq saqqummiussaqassaaq:

Namminersornermut inatsimmut killissarititap iluani Naalagaaffiit Peqatigiit Meeqqat pillugit isumaqtigiissutaata kingusinnerpaamik 2017-imni Inatsisartut inatsisaannut ilanngunneqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

Meeqqat inuusuttullu atugaasa pisinnaatitaaffiilu annertuumik pingaartinneqarnissaat ataatsimiititaliap kissaatigalugulu kaammattuutigaat. Tamatuma annertuumik politikkikkut salliutinneqarnissaai inuiaqtigiit ineriarnerannut aalajangiisuulluinnarpoq. Taamaattoqanngippat kinguaariinni meerarpassuit inuusuttorpassuillu ilaat peqataalluartut equeersimaartut inuiaqtigiinnilu ineriarortitseqataasussat annaassavavut.

Naalagaaffiit Peqatigiit Meeqqat pillugit Isumaqtigiissutaata ilanngutsinneqarnissaai meeqqat inuusuttullu pisinnaatitaaffiinik annertusaanerummat ilorraallu tungaanut pisussaaffiliisumik alloriarnerummat ataatsimiititaliamit Inatsisartunut ilaasortat sinnerisa ataatsimiititaliap allannguutissatut siunnersuutaa tapersersussagaat kaammattuutigineqarpoq.

Ataatsimiititaliap innersuussutai

Tamanna tunngavigalugu ataatsimiititaliap allannguutissatut siunnersuutaa akuerineqassasoq ataatsimiititaliap innersuussutigaa.

Siunnersuutaqqaartoq Naalakkersuisullu allannguutissatut siunnersuutaa itigartitsissutigineqassasoq ataatsimiititaliap innersuussutigissavaa.

Taama oqaaseqarluni isumaliutissiisummilu oqaatigineqartunik paasinnilluni siunnersut ataatsimiititaliap aappassaaniigassanngortippaa.

Tillie Martinussen,
Siulittaasoq

Agathe Fontain

Jess Svane

Laura Tàunâjik

Ineqi Kielsen

Ane Hansen

Mimi Karlsen